

შპს „ქ. ბათუმის რესპუბლიკური კლინიკური საავადმყოფო“



ელექტრონული ტენდერის საშუალებით
მობილური საოპერაციო განათების ნათურის შესყიდვის

სატენდერო დოკუმენტაცია

კლასიფიკატორის კოდი: 33100000

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. ბათუმი, 2016 წელი

1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად;
- 1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;
- 1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია;
- 1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება);
- 1.5. სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი;
- 1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად;
- 1.7. პრედენდენტს არა აქვს უფლება წარმოადგინოს ალტერნატიული სატენდერო წინადადება;
- 1.8. ტექნიკური დოკუმენტაციის მოთხოვნა ხორციელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების, 11-ე მუხლის მე-2-ე პუნქტის შესაბამისად.
- 1.9. საკვალიფიკაციო მოთხოვნები ხორციელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების, 11-ე მუხლის შესაბამისად.
- 1.10. ტექნიკური და საკვალიფიკაციო დოკუმენტაციის მოთხოვნა განხორციელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების, 12-ე მუხლის შესაბამისად.

2. **საკვალიფიკაციო მოთხოვნები-** საკვალიფიკაციო მოთხოვნების თანახმად, პრეტენდენტმა (სუბკონტრაქტორის არსებობის შემთხვევაში, ასევე – მათი) უნდა წარმოადგინოს შემდეგი დოკუმენტები:

2.1. იურიდიული პირისათვის: ა) ცნობა საჯარო რეესტრის ეროვნული სააგენტოდან, იმის თაობაზე, რომ არ მიმდინარეობს იურიდიული პირის რეორგანიზაცია ან ლიკვიდაცია; ბ) ცნობა შემოსავლების სამსახურიდან სახელმწიფო ბიუჯეტისადმი დავალიანების არარსებობის შესახებ;

2.2. ფიზიკური პირისათვის და ინდივიდუალური მეწარმისათვის:

ა) პირადობის მოწმობის ან პასპორტის ასლი;

ბ) ცნობა სათანადო დაწესებულებიდან, რომ არ მიმდინარეობს მის მიმართ გადახდის უუნარობის/გაკოტრების საქმის წარმოება.

2.3. საკვალიფიკაციო მონაცემების წარმოდგენა

ა) საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნას სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ბ) საკვალიფიკაციო მონაცემების დამადასტურებელი დოკუმენტები გაცემული უნდა იყოს გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-15 პუნქტის შესაბამისად.

გ) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა ხორციელდება სისტემის გამოყენებით შემსყიდველ ორგანიზაციის მოთხოვნიდან არა უმეტეს 5 (ხუთი) სამუშაო დღეში. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

დ) არარეზიდენტმა პირებმა მე-2 პუნქტში მითითებული საკვალიფიკაციო მონაცემები უნდა წარმოადგინონ სათანადო უფლებამოსილი ორგანოდან, დადგენილი წესით დამოწმებული თარგმანის სახით - ლეგალიზებული ფორმა.

3. ტექნიკური დოკუმენტაცია

3.1 შესყიდვის ობიექტის ტექნიკური დავალება

N	შესასტიდი საქონლის დასახელება	ტექნიკური პარამეტრები	განზ.ერთ	რაოდენობა
1	მობილური საოპერაციო ნათურა	ელ. ენ. წყარო-220ვოლტი; განათება-led; მინიმალური სიმძლავრე -200 ვატ; თითო რფლექტორის დიამეტრი 15-30 სმ; არანაკლებ 4 რეფლექტორით;	ცალი	2

შესყიდვის ობიექტის სავარაუდო ნიმუში



3.2 პრეტენდენტმა სახელმწიფო შესყიდვების ერთიან ელექტრონულ სისტემაში უნდა უზრუნველყოს სატენდერო დოკუმენტაციით განსაზღვრული შემდეგი დოკუმენტების ატვირთვა:

ა) ფასების ცხრილი დანართი №2-ის შესაბამისად;

ბ) ინფორმაცია ანგარიშსწორების შესახებ;

გ) პრეტენდენტმა უნდა წარმოადგინოს რეკვიზიტები (დანართი №1);

დ) ინფორმაცია საქონელის საგარანტიო პერიოდის შესახებ- საგარანტიო ვადა უნდა იყოს არანაკლებ 1 წელი მიწოდების მომენტიდან;

ე) პრეტენდენტმა უნდა წარმოადგინოს მოსაწოდებელი პროდუქციის მწარმოებელი ქვეყნის და მწარმოებელი კომპანიის შესახებ ინფორმაცია რომელიც უნდა მიუთითოს ფასების ცხრილში;

შენიშვნა: ა) დოკუმენტებისა და ინფორმაციის ჩამონათვალი პრეტენდენტმა სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების, მე-10 მუხლის შესაბამისად, ფასთან ერთად უნდა ატვირთოს ელექტრონულ სისტემაში პრეტენდენტის უფლებამოსილი პირის ხელწერითა და ბეჭდით დადასტურებული სახით; ბ) მოსაწოდებელი სამედიცინო მოწყობილობები უნდა აკმაყოფილებდნენ მაღალ ხარისხობრივ მაჩვენებლებს, მათ მწარმოებლებს უნდა გააჩნდეთ სამედიცინო მოწყობილობების წარმოების მრავალწლიანი გამოცდილება, უნდა გამოირჩეოდნენ დადებითი რეპუტაციით სამედიცინო მოწყობილობების ბაზარზე.

3.2. თუ, ყველაზე დაბალი ფასის მქონე პრეტენდენტმა, სისტემაში დაფიქსირებულ საბოლოო ფასსა და სავარაუდო ღირებულებას შორის დააფიქსირა 20% ან 20%-ზე მეტი სხვაობა ასეთ შემთხვევაში მიმწოდებელი სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების, 11-ე მუხლის მე-2 1-ე პუნქტის შესაბამისად ვალდებული იქნება დაასაბუთოს ფასწარმოქმნის ადეკვატურობა და ამ ფასად შესყიდვის ობიექტის მიწოდების შესაძლებლობა. სადაც მიმწოდებელმა უნდა უზრუნველყოს წარმოდგენილი ფასების ცხრილის (დანართი#2) ექსპერტიზის ჩატარება სსიპ „ლევან სამხარაულის სასამართლო ექსპერტიზის ეროვნულ ბიუროში“ ან სხვა აკრედიტებული ორგანიზაციაში, იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, პრეტენდენტმა დამატებით უნდა წარმოადგინოს ექსპერტიზის განმახიციელებელი პირის შესაბამისი აკრედიტაციის სერთიფიკატი. ექსპერტიზის დასკვნა პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 10 (ათი) სამუშაო დღის ვადაში უნდა წარმოადგინოს/ატვირთოს. აღნიშნული ექსპერტიზის დასკვნის წარმოდგენლობა გამოიწვევს ტენდერში მონაწილე პრეტენდენტის დისკვალიფიკაციას.

ზემოაღნიშნულიდან გამომდინარე, რეკომენდაცია ეძლევა ყველა პრეტენდენტს, ვინც უშვებს შესაძლებლობას, რომ შესაძლოა ვაჭრობის დროს დააფიქსიროს ფასი, რომელიც 20% ან 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, წინასწარ გაარკვიოს ექსპერტიზასთან დაკავშირებული ყველა დეტალი. რაიმე სახის პრეტენზია აღნიშნულთან დაკავშირებით შემსყიდველის მიერ არ განიხილება;

4. სხვა პირობები

4.1 ამ ტენდერით შესყიდვის ობიექტს წარმოადგენს დანართი #2 მითითებული საქონელი;

4.2 შესყიდვის ობიექტის მიწოდება შემსყიდველისათვის უნდა განხორციელდეს ხელშეკრულების გაფორმებიდან 1 (ერთი) კალენდარული თვის განმავლობაში;

4.3. მიწოდებული საქონელი უნდა იყოს რეგისტრირებული და ნებადართული საქართველოს მოქმედი კანონმდებლობით;

4.4 მიწოდებული პროდუქტების საგარანტიო ვადა უნდა იყოს არანაკლებ 1 წელი მიწოდების მომენტიდან.

4.5 ანგარიშსწორება განხორციელდება ეტაპობრივად მიწოდებული ობიექტების შესაბამისად, მიღება-ჩაბარების (რომელსაც მიმწოდებელი წარუდგენს შემსყიდველს ყოველი კონკრეტული მიწოდების დროს) აქტის შედგენიდან არაუგვიანეს 60 დღის განმავლობაში საგადასახადო დოკუმენტაციის (საგადასახადო დოკუმენტაციაში დამატებით მითითებული უნდა იყოს ხელშეკრულების ნომერი) საფუძველზე.

4.6 შესყიდვის ობიექტების მიწოდება უნდა განხორციელდეს მიმწოდებლის მიერ შემსყიდველის მისამართზე: ქ. ბათუმი, ტბელ აბუსერიძის ქ. №2;

4.7 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

4.8 საავანსო ანგარიშსწორება არ გამოიყენება.

4.9 მოსაწოდებელ საქონელს უნდა გააჩნდეს საერთაშორისო სერთიფიკატი (ISO/FDA/CE/CPPE/EMEA) და/ან ანალოგი სამედიცინო პრაქტიკაში გამოყენებისთვის, იმ შემთხვევაში თუ შემსყიდველი ორგანიზაცია მოითხოვს აღნიშნული საბუთების წარმოდგენას, პრეტენდენტმა შემსყიდველის მოთხოვნიდან არაუგვიანეს 5 სამუშაო დღეში უნდა უზრუნველყოფოს საბუთების წარმოდგენა - დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;

სახელმწიფო შესყიდვის შესახებ ხელშეკრულების პროექტი

ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. -----

----- ფ.

ერთის მხრივ, შპს „ქ. ბათუმის რესპუბლიკური კლინიკური საავადმყოფო“ (შემდგომში „შემსყიდველი“) წარმოდგენილი მისი დირექტორის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების შესახებ კანონის და პრეტენდენტის ----- სატენდერო წინადადების საფუძველზე (SPA-----) ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. “ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. “მიმწოდებელი” ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6. „საქონელი” - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

- 2.1. ხელშეკრულების საგანს წარმოადგენს მობილური საოპერაციო განათების ნათურა. მიწოდება დანართი #2-ის შესაბამისად.
- 2.2. ხელშეკრულებით გათვალისწინებული საქონლის რაოდენობა და აღწერა მოცემულია ტექნიკურ დავალებაში, ხარჯთაღრიცხვაში (დანართი №2), რომელიც თან ერთვის ხელშეკრულებას, როგორც მისი განუყოფელი ნაწილი;
- 2.3. კლასიფიკატორის კოდი: **33100000**.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- (-----) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.
- 4.2. მიმწოდებელთან ანგარიშსწორება იწარმოებს ეტაპობრივად მოწოდებული ობიექტის შესაბამისად, მიღება-ჩაბარების აქტის შედგენიდან 60 დღის განმავლობაში ანგარიშ-ფაქტურის (ანგარიშ-ფაქტურაში დამატებით უნდა მიეთითოს ხელშეკრულების ნომერი) საფუძველზე.

5. შესყიდვის ობიექტის მიღება-ჩაბარების წესი

- 5.1. „შემსყიდველი” შესყიდვის ობიექტის მიღებას მოახდენს მოთხოვნის შესაბამისად.
- 5.2. მიმწოდებლის მიერ ობიექტი მიღებულად ჩაითვლება მიღება-ჩაბარების აქტზე ხელის მოწერის დღიდან.

5.3. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.4. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის/სამუშაოს მოცულობის და წუნდების მიზეზის მითითებით.

6. საქონლის მიწოდების ადგილი და ვადა

6.1. საქონლის მიწოდების ადგილად განისაზღვრება შემსყიდველის მისამართი (ქ.ბათუმი, ტბელ აბუსერიძის №2).

6.2. შეკვეთის განხორციელება მოხდება შემსყიდველის პასუხისმგებელი პირის მოთხოვნით ტელეფონით ან წერილობით.

6.3. შესყიდვის ობიექტის მიწოდება შემსყიდველისათვის უნდა განხორციელდეს ხელშეკრულების გაფორმებიდან 1 (ერთი) კალენდარული თვის განმავლობაში;

7. გარანტია

4.9 მოსაწოდებელ საქონელს უნდა გააჩნდეს საერთაშორისო სერთიფიკატი (ISO/FDA/CE/CEPP/EMEA) და/ან ანალოგი სამედიცინო პრაქტიკაში გამოყენებისთვის, იმ შემთხვევაში თუ შემსყიდველი ორგანიზაცია მოითხოვს აღნიშნული საბუთების წარმოდგენას, პრეტენდენტმა შემსყიდველის მოთხოვნიდან არაუგვიანეს 5 სამუშაო დღეში უნდა უზრუნველყოფს საბუთების წარმოდგენა - დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;

7.2. მიმწოდებელი ვალდებულია მიწოდებიდან ერთი წლის მანძილზე მოახდინოს ყველა გამოვლენილი ნაკლის აღმოფხვრა საკუთარი ხარჯებით ან ნაკლის მქონე საქონლის შეცვლა.

7.3 მიწოდებული საქონლის საგარანტიო ვადას წარმოადგენს არანაკლებ 1 წელი მიწოდების მომენტიდან.

7.4 მიწოდებული საქონელი უნდა იყოს რეგისტრირებული და ნებადართული საქართველოს მოქმედი კანონმდებლობით, შესასყიდი საქონლის საქართველოში რეგისტრაციის (ან შესაბამისი დოკუმენტაცია) დამადასტურებელი მოწმობა პრეტენდენტმა უნდა წარმოადგინოს შემსყიდველის მოთხოვნიდან არაუგვიანეს 5 სამუშაო დღისა;

8. მხარეთა უფლება-მოვალეობანი

8.1. შემსყიდველი უფლებამოსილია:

ა) მიმწოდებელს მოთხოვოს მოსაწოდებელი საქონლის საერთაშორისო სერთიფიკატი/ები (ISO/FDA/CE/CEPP/EMEA) და/ან ანალოგი სამედიცინო პრაქტიკაში გამოყენებისთვის-დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;;

ბ) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

გ) საქონლის მიწოდების დასრულებამდე გამოითხოვოს მიმწოდებლისაგან შესყიდვის ობიექტის შესახებ მისთვის საჭირო დოკუმენტი;

დ) საჭიროების შემთხვევაში განახორციელოს მოწოდებული საქონლის ექსპერტიზა შესაბამისი სამსახურის მეშვეობით. ექსპერტიზასთან დაკავშირებული ხარჯები ანაზღაურდეს მიმწოდებლის მიერ;

8.2. შემსყიდველი ვალდებულია უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.3. მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.4. მიმწოდებელი ვალდებულია:

ა) შემსყიდველის მოთხოვნისთანავე 5 სამუშაო დღის ვადაში მიაწოდოს მოსაწოდებელი საქონლის საერთაშორისო სერთიფიკატი (ISO/FDA/CE/CEPP/EMEA) და/ან ანალოგი სამედიცინო პრაქტიკაში გამოყენებისთვის-დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;.

ბ) მიაწოდოს საქონელი სათანადო ხარისხით და სრული მოცულობით, ხელშეკრულების მე-6 მუხლის შესაბამისად;

გ) უზრუნველყოს საქონლის მიწოდება ტექნიკური დავალების (ფასების ცხრილი) შესაბამისად;

დ) შემსყიდველის მოთხოვნის შემთხვევაში მიაწოდოს შესყიდვის ობიექტთან დაკავშირებული ინფორმაცია და დოკუმენტაცია;

ე) იმ შემთხვევაში, თუ მიწოდებული საქონელი ნაკლის მქონე აღმოჩნდება გარანტიის მოქმედების ვადაში, აღმოფხვრას ნაკლი ან შეცვალოს იგი შეტყობინებიდან 3 დღის ვადაში;

ვ) შემსყიდველის მოთხოვნის შემთხვევაში 5 სამუშაო დღის განმავლობაში უზრუნველყოს საქონლის საქართველოში რეგისტრაციის (ან შესაბამისი დოკუმენტაცია) დამადასტურებელი მოწმობის წარდგენა;

9. ხელშეკრულების შესრულების კონტროლი

9.1 ხელშეკრულებით ნაკისრი ვალდებულებების შესრულების ინპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი.

9.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

9.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და არაჯეროვნად შესრულების შემთხვევაში გამოიყენება საჯარიმო სანქციები;

10.2. მიმწოდებლის მიერ, ყოველ კონკრეტულ ჯერზე მისაწოდებელი პროდუქციის მიწოდების ვადის დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5 %-ის ოდენობით ყოველ ვადაგადაცილებულ დღეზე.

10.3. მიმწოდებლის მიერ, ხელშეკრულების არაჯეროვნად შესრულების (უხარისხო პროდუქციის მოწოდება ან/და ხელშეკრულებით გათვალისწინებული სხვა პირობების დარღვევის, გარდა წინამდებარე ხელშეკრულების 10.2. პ.-ით გათვალისწინებული შემთხვევისა) შემთხვევაში, მიმწოდებელი დაჯარიმდება ხელშეკრულების საერთო ღირებულების 10 %-ის ოდენობით;

10.4. მიმწოდებლის მიერ, ყოველ კონკრეტულ ჯერზე მისაწოდებელი პროდუქციის მიწოდების ვადის დარღვევის ან/და ხელშეკრულებით გათვალისწინებული სხვა პირობების (უხარისხო პროდუქციის მოწოდება და სხვა.) არაჯეროვნად შესრულების შემთხვევაში, შემსყიდველი უფლებამოსილია ცალმხრივად, ვადაზე ადრე შეწყვიტოს ხელშეკრულება. ასეთ შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 10 %-ის ოდენობით.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულების ძირითადი ვალდებულებების შესრულებისაგან.

11. ხელშეკრულების შეწყვეტის პირობები.

11.1. „შემსყიდველი“ უფლებამოსილია ცალმხრივად, ვადაზე ადრე შეწყვიტოს ხელშეკრულება:

ა) იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ღირებულების 10%-ს;

ბ) მიმწოდებლის მიერ ხელშეკრულების მე-5 მუხლის 5.3. პუნქტის დარღვევის შემთხვევაში;

გ) თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

დ) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) „მიმწოდებლის“ გაკოტრების შემთხვევაში;

ვ) მიმწოდებლის მიერ ხელშეკრულების მე-6 ან მე-7 მუხლებით გათვალისწინებული მოთხოვნების დარღვევისა ან/და მე-8 მუხლის 8.4. პუნქტის დარღვევის შემთხვევაში.

ზ) ხელშეკრულებით გათვალისწინებულ სხვა შემთხვევებში.

11.2. ხელშეკრულება შეწყვეტილად ჩაითვლება შემსყიდველის მიერ, ხელშეკრულების შეწყვეტის შესახებ გაგზავნილი შეტყობინების მიმწოდებლისათვის ჩაბარებისთანავე.

11.3. ამ მუხლის 11.1 პუნქტში მითითებულ შემთხვევაში, შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება დაკისრებული პირგასამტეხლოს თანხის გამოკლებით ან მიმწოდებლისთვის დაკისრებული პირგასამტეხლოს თანხის გადახდის შემდეგ.

12. ხელშეკრულებაში ცვლილებების შეტანა.

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ფორს-მაჟორი

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას,

თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

15. ხელშეკრულების ენა

15.1. ხელშეკრულება შედგენილია ქართულ ენაზე 3 ეგზემპლარად, 2 ეგზემპლარი ინახება შემსყიდველთან, ერთი კი მიმწოდებელთან.

16. ხელშეკრულების მოქმედების ვადა

16.1. ხელშეკრულება ძალაში შედის ხელმოწერის მომენტიდან და მოქმედებს ----- წლის -- ----- ჩათვლით.

შემსყიდველი

მიმწოდებელი

დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლია სატენდერო კომისიის აპარატში, ქ. ბათუმი, ტბელ აბუსერიძის ქ. 2, ადმინისტრაციული შენობა. საკონტაქტო პირი: გურამ სურმანიძე ტელ: 22 42 78; 577 30 45 12; ლაშა თურმანიძე ტელ: 599-46 05 07 e-mail: info.republican@gmail.com

1. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

პრეტენდენტის ხელმოწერა : ----- (ბ.ა.)

ფასების ცხრილი

მიმწოდებლის დასახელება: -----

საერთო ფასი: -----

N	შესასყიდი საქონლის დასახელება	ტექნიკური პარამეტრები	განზ.ერთ	რაოდენობა	ერთ. ფასი	საერთო ფასი
1	მობილური საოპერაციო განათების ნათურა.	ელ. ენ. წყარო-220ვოლტი; განათება-led; მინიმალური სიმძლავრე -200 ვატ; თითო რეფლექტორის დიამეტრი 15-30 სმ; არანაკლებ 4 რეფლექტორით;	ცალი	2		
სულ ჯამი:						

ხელმოწერა: -----ბ.ა.